

2 Jon

Jon köp aņ u kali kłiņ rika

¹Yad nibi bi Jisas Kraiș nįp nįņ udpal gau kalįp abad midpin.

Kalöp, nibi God hadame nöp udnabin a ga u abe, ñi pai nipe abe, kalöp köp i kali kłiņ rikabin. Yad kalöp midmagö yabił libin. Pen yad nöp wasö, nibi bi Jisas Kraiș manö nįņö nįņ udpal gau magöņhalö kalöp midmagö libal. ²Kalöp midmagö libun u, Jisas Kraiș manö nįņö nįņ udno, hanįp midmagö aņ daņ kamiņ midöm, pör pör nöp mideinab. ³Nap God abe, Ñi nipe Jisas Kraiș abe, hanįp mög nįņmil ud aį gimil, abad mid aį gilö nįņöl gi, hon Jisas Kraiș manö nįņö nįņ udöl gi midun, pen pen midmagö löł gi mideinabun.

Jisas Kraiș manö nįņö nįņ udöl gi, pen pen midmagö löł gi midaimim

⁴Ñi pai kale rimnap Jisas Kraiș manö nįņö nįņ udöl gi, hagöp rö gaböl u nįņem, yad miņ miņ yabił gįpin; Bapi hanįp aniğ gimim, a ga.^a ⁵Pen nibi aįj. Yad nöp manö kali kłiņ rikem hagabin, hon midmagö pen pen li midaiun. Manö anibi manö gișön nibö ap wasö; God nipe hadame dagol gau ił göm, manö kłö hagöm, manö anibi haga.^b ⁶God manö kłö hagöm, aniğ gimim, a ga rö nöp geinabun u, God nįp midmagö lun, nibi bi gau abe kalįp midmagö linabun. God nipe hadame dagol gau ił göm, manö kłö hagöm, manö anibi hagö nįņbim: kale magöņhalö pen pen midmagö limim.

Nibi bi rimnap manö piral hag ñibal

⁷Nibi bi God Manö hagabun, a göm, manö piral hag ajaböl gau, kale iru midpal. Kale hagnal, “Jisas Kraiș nipe hañ romaņ löm, ram minöņ ił i auaga,” a gįpal. Nibi bi aniğ gįpal gau, kale bi piral hagep bi, bi Jisas Kraiș Nįp Mulu Kal Nįņeb Bi.^c ⁸Pen kale nįņ aįj gimim. Wasö u, wög nįp gįpim u hir giņim rö löp. Nįņ aįj gimim, God kalöp nan aįj ñinabin a ga u magöņhalö udmim.

^a 4 3Jn 3 ^b 5 1Jn 2:7 ^c 7 1Jn 4:1-3

⁹Nibi bi Kraiſ manö hag ña u arö göm, manö piral rimnap udnaböl gau, God nip aip jim ñöl midagpal; nibi bi Kraiſ manö hag ña u niſ udöl gi nöp midpal gau, Bapi Ñi apil miſhau aip jim ñöl midpal. ¹⁰Anib u, nibi bi rimnap kalöp God Manö hag ñiniſ auaiöl, niſ aij gimim, kalip udmim. Manö kabö göl anibu arö göm, manö piral rimnap hagaiöl, kalip hag wiſhai dam ram kale raul daſ ud aragmim. ¹¹Nihön giſniſ: nibi bi anib gau kalip hag wiſhai uł gi dam ram kale ud arbe, manö piral kale hagpal anibu, kale ke abe hagpim rö linab.

Manö magö adiſ rimnap

¹²Yad kalöp manö iru midöp gau kali kliñ rikbnep u pen köp ñiſ ig nöp rikagnabin; yad ke amem, kalöp amgö niſjem, aip aſik midun manö hagun, miñ miñ yabił giſnabun. ¹³Nibi aij. Nañin midmagö ne aui midöp ñi pai nipe nöp, “Midpan?” a giſpal.